

国朝耆献类征初编

國朝詩集征存稿

國朝耆獻類徵初編卷二百三十三目錄

守令十九

陳士璠

楊度注

侯鈞
朱雲駿

陳樹華

莊經畲

鄭燮

王光燮

潘汝龍

周昌德

許恆

錢元功

馮協一

吳璪

曾受一

宋賓鴻

蘇子瞻集

國朝耆獻類徵初編卷二百三十三

通奉大夫前署江西巡撫江西布政使司布政使湘陰李桓輯

守令十九

陳士璠

大科之開也際不世之遇待非常之人將以代 王言備 顧問
從容殿陛游歷坊局以儲異日槐鼎之用此 聖主寤寐旁求之
至意也吾同年一十五人錢塘陳君泉亭與無錫楊君勛齋皆以
諸生超授庶常吉士踰年散館改官楊君知江西德興縣事蹉跎
以死泉亭浮湛郎署又十餘年一麾出守守官以死死之曰官無
餘財繼配趙恭人伶俜孤苦挈二孤扶櫬歸里終喪而不克葬非

慢也力不逮也埋幽之石礪而有待踰時閱歲孤子京始來告將
以某年月日葬君於西谿某原余乃按其狀而表之曰君諱士璠
字魯齋泉亭其號也陳氏系出潁川至宋南渡派分江西以信國
文正公康伯爲弋陽之始祖繼遷餘姚之馬渚有湘露公者賚於
錢塘始遷會城之後市街太平里六世祖學易萬麻癸未進士南
京兵部車駕司員外郎從祀鄉賢建祠於里自五世祖以至君考
皆爲郡邑博士弟子祖考諱遇贈翰林院庶吉士考諱孚衷以
君貴累贈如其官三娶皆贈恭人而君則吳恭人所出也君
屢試高等爲邑增廣生十試不售雍正十二年制府上蔡程公以
博學鴻詞薦乾隆元年十月試於保和殿拔十五人而君名在


二等第七授翰林院庶吉士散館改授戶部河南司額外主事河
南省有鹽礮飛沙河灘壓穴等地畝千餘頃無業賠糧民人籲部
請求豁免遞解回籍者數矣君與同僚武定李君斟酌定橐力請
竟從其議有佟姓家主告發廣東駐防係其戶下冊檔研審有據
同事受賄爲之出脫君以名分所係決然剖斷旋被告發西臺嚴
訊得實以營私治罪而農部一官無恙實藉君持正之力有旗人
仇家誣以先人係某姓戶下遂致子孫不得仕宦君委曲詳勘立
破其誣首人允服兩事相反而不膠於一轍虛公處事君無成心
也已而實授主事充戊午科順天鄉試同考官辛酉副中允朱良
裘典四川鄉試明年晉江南司員外越四年晉福建司郎中君前

任員外時江南司有雍正十二年溧水等州縣被災其勘不成災
區畝饑民例不加賑當事以社穀及官紳捐米煮賑屢爲推覈且
欲報參賑米四千餘石著落原辦官追償接任者又以社穀原屬
地方公輸儲備歉歲此固向有 諭旨仰體 皇仁非動支正項
可比況業已賑去官吏易何處責其償還一二苛細者謂旣屬
公捐卽爲公項堅執己見牢不可破君力主銷案十四年塵案一
旦埽除州縣得以免累君遇事不辭難壹以清案牘豁拖累息事
甯人不與同官立異亦不曲徇上官爲郎十一年出知江西瑞州
府事以豈弟之心化刁頑之俗修學宮葺橋梁復譙樓平米價次
第舉行暇卽與諸生講論文藝士風興起中丞胡公寶瑔雅相契

重歎爲品高學邃積勞病作移疾俟代而已不可爲矣時乾隆丙子閏九月六日也享年六十有七文武僚屬以迄商賈士民遠近奔赴行哭失聲遺愛可徵口碑如一君初娶於張生二女一適同邑張慶增一適長洲王邦譽繼以趙生四子京國學生寅邑諸生三四皆殤銘曰

噫乎瑞州陳使君生有惠政州民云六尺豐碑高於墳下馬讀碑以我文

右墓表杭世駿撰



楊度汪侯鈞 朱雲駿

楊度汪字若干江蘇無錫人拔貢生篤志問學尤工擘窠書膺薦入京師客舉主尚書任蘭枝邸舍得交山陰胡天遊天台齊召南學益進旣中博學鴻詞科官庶常尋改德興令告歸同時侯鈞字□□乾隆十年進士歷任陝西知縣屏供億杜苞苴嘗修三賢祠三賢者燕伋郭欽段秀實也其在武功會有念佛聚眾之獄上官將治以邪教鈞廉得其實曰此愚民求福耳省釋其眾朱雲駿字逸湄乾隆二十一年舉人官隆昌知縣少學詩於劉瞻榕入蜀後篇什尤富古文學曾輩在隆昌時方有金川軍事饋餉供億不以擾民竟以勞瘁卒官

右傳秦瀛撰

賦役五統

未盡

陳樹華

乾隆辛丑余自巫山引疾歸南陔多暇補理舊業得盧召弓金輔之劉端臨諸君爲友盧金二君爲余言蘇州陳君芳林以所著春秋內外傳攷正五十一卷相示余讀之駭然以驚曰詳矣精矣內外傳乃有善本矣遂書其副藏於家用以訂阮梁伯十三經校勘記顧余不識陳君壬子冬移居姑蘇嘉慶辛酉君乃自晉歸容貌頃然嚴毅厚重相見恨晚並得其國語補音訂誤及詩集觀之詩集采於青浦王氏湖海詩傳矣其全集三千七百首生平舉動一可稽如白樂天之長慶也余與君居相近然不能數見逮於九月哭君溘逝余歸自蜀今三十年舊友如盧金輩鮮有存者吳門

王禮堂江艮庭錢曉徵汪明之皆樂數晨夕亦相繼凋喪若君則
相識才數月而旋失之可不哀哉辛未君子承宗等將葬請余志
墓余不敢辭按狀君諱樹華字芳林號治泉 詔封奉政大夫先
世由崑山遷長洲曾祖學洙仕知縣祖璋康熙甲戌進士歷官侍
讀學士順天學政父鴻熙歷官兩廣都轉鹽運使君以乾隆元年
恩廕貢生補授湖南武岡州同公事詐誤回籍家居十載閉
戶著書內外傳攷正蓋成於此時也已而得江西靖安縣縣丞嗣
升湖口縣知縣大吏保薦特授山西澤州府同知旋以到任遲
延降補甯鄉縣知縣乾隆六十年也君莅官能聽斷長官前侃侃
辨論無阿諭姚巡撫某王藩司昶善觀察泰皆服其才其於民事

雖無某事某事可指殆古所謂日計不足月計有餘者與讀君遺命一篇有云早知窮達有命恨不十年讀書吾所著惟內外傳攷正宋氏補音訂誤可壽蓋君以勤學自任如此君生雍正庚戌享年七十有一妻吳氏 諤封宜人克謹婦道卒嘉慶辛未年八十九子三承宗安徽試用主簿次翊宗啟宗君長子也後君之伯父拱乾爲孫女三適吳鎔孔廣彬吳雲錦嘉慶十六年月日葬君於某縣某鄉某原吳宣人合窆焉銘曰

或謂之循吏或謂之儒林古字古言精熟有過於劉歆千秋而後過其墓者知君於左氏之學綦深

右墓誌銘段玉裁撰

莊經奮

太守莊君從北門還宣州未半月訃至士大夫知與不知俱爲流涕聞其渡新河遇風舟幾覆食飲滯齶服大黃臥便利不止果藥誤耶抑驚顛離珣以隕其生耶嗚呼求其故而不得者命也夫昔余知江甯今劉映榆學士介君於余長不踰中人而秀眉方頤言論風發從此交甚懽二十年來余雖居林下而君之黜陟升降以及其尊主隆民之治功有其子孫所不能知而余獨知之者然則君後人之來乞傳於余也固君志也君始知建德再知盱眙甯國泗州而終於宣州太守乾隆十年貴池民熊永安與金海鬪金傷重熊慮訟不勝會族弟長德病死乃斧屍誣金縣令謝錫伯廉